

Kaspar Troy

Um 's Nüjobr ummar

Dia früoh Nähta fröschtolod,
und 's Johr ischt wie a Kerzo
koarz voar om Usgong - abebrennt.
Was gsin ischt, ka ma nümme holo,
was kunnt, das weossod meor no nüd,
ob as drföör schtöht, d'Schuoh nü sohlo,
do Meascht ustuo is Feald, i d'Bündt,
d'Hustöör riito und ou d'Schwello,
a Hoamat koufo, 's Gealdle zello,
a jungs Wib is Gado füohro,
söt ma enschtle alls vrschtüro,
söt ma das olt Johr abeando
odr nü si wieder bseanno?

Lutor söt ma, ka ma, tuot ma . .

I gloub, meor lond dia Schuoh nü sohlo
und toand do Meascht is Feald, i d'Bündt,
as wär iotz gli zum Guggar-Holo,
wenn ma nümme witor fünd.
Das Jöhrle riitod meor gweos wieder,
komm as uafärb odr bunt,
d'r Früohling bringt uf's Nü do Fliedr,
und d'Hoptsach ischt, meor bliebod gsund.